

CBETA電子佛典集成

CBETA Chinese Electronic Tripitaka Collection
eBook

T21n1420

龍樹五明論

目次

- [編輯說明](#)
- [章節目次](#)
 - [祕決圖經](#)
 - [咒事](#)
 - [五明印論](#)
 - [五明論事印法](#)
 - [五明論決](#)
 - [服香方法](#)
- [卷目次](#)
 - .001,
 - .002
- [贊助資訊](#)

編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

如來滅後一百餘年，有王名阿踰伽，亦名阿育王，王閻浮提。諸國競來問訊，問其除橫之法。爾時阿育王國中人民多患貧窮困，飢寒裸露不能存立。爾時大王至鷄頭末寺禮拜眾僧，兼說人民貧苦之狀。爾時眾中有一比丘，名曰菟路知，出大眾中而白王言：「當如意寶珠濟益眾生。」王言：「云何當得如意寶珠？」比丘言：「應作十種法。一者求佛故，名得財物施與眾生；二者求法故；三者供養僧故；四者安穩國土故；五者救人民故；六者巧埋塔寺故；七者威伏隣國故；八者為求帝釋供具故；九者供養佛故；十者為諸人民作大富饒益故。當於正月一日燃七燈，各各盞各一百二十盞，在處供養天像。又作釋迦如來像莊嚴，庶有諸聲聞菩薩遶遶。如行，大王！當知如來功能不可思議，供養之者必得如意寶珠也，是故大王供養於佛。供養佛者，懸繒幡蓋、燒上妙香。以二月八日入海採寶，去不逾月而得寶珠。又復當得如意珠。珠有二種：一者大如意、二者小如意。小如意者，求始得之。大如意者，自然兩寶於天地。大王當知求大如意者，心中求之，勿在外更覓他法。七法之中，無不有利益國土人民。所以者何？止見劫奪殺生之法、大作庫藏，損害人民，不堪自然為亂；父子兄弟設入官，手賜之家更願荒亂。亂不息，國法[利-禾+(序-予+(共-八+(人*人)))]滅，誰共大王治南閻浮提？大王！放赦獄中囚徒；年五十免其役；貧者令與富；驅使以活性命。此是大如意以濟眾生，非是寶珠兩以濟物。大王命終之後，國土分散，人民流死，如來正法旋於十方，城壁崩到，官為山野，王當三思民利之事。又令末世粟散諸王貪慕王法燃燃者，當燃燈法，勿燃燈如事燈。云何法燈燃？以一治法垂示後代，明不絕。」爾時大王聞說是語，慈悲懺悔，入於官中七日不出，勅出大臣令求利益。于時有南天竺國比丘，舊是外道慕法出家，如白王言：「我昔尋外法中有利益人民之法，今日出家入佛法中，亦有利益眾生之法。一者符，能招財寶，隨土而得。二者慕，治眾生病，

隨治即差。三者正法，能令風雨順時，龍王歡喜。」王聞是語，勅用其法，皆利一切眾生。當如七月七日取山雲竹七枚長七尺者，置畫符中，其符曰：「天帝教我利益眾生，一切龍鬼隨我使令。」又取章柳刻作人形，作一壇以章柳置上，以遶壇側，然後呪曰：

「歸依天帝釋！風神來濟眾生，火神來起光明，雨神來百穀熟成，寶神來錢財集，地神來安穩眾生。為某甲為某事，令使今年皆悉稱。急急 如律令」

誦之□遍，取章柳令埋著庭前，四方財物悉來集聚。其竹置宅四角，若其行時隨身行，是利益民事。王得是語，令教萬姓，大有利益。

又於正月一日，誦乞願呪一千八返，國中大小平吉，諸惡鬼神不來遶亂。即說呪曰：

「多跌他 其帝其帝其隸帝 其多其多遽呼盧 彌遮彌遮攘攘其多 多利多利彌帝利 佉佉其怛羅佛媧 娑婆呵」

誦一千八返，所作之事法得稱意，一切惡鬼皆悉遠離，護國土神見即歡喜。潔齋清淨七日訖，乃書利民符。若城中若柱中若殿上、若帶之，能令邪鬼不來遶逼，所往之處皆悉歡喜。以朱沙書帛上，廣一寸，持以擊虎，虎不能起。云何但擊虎？書作虎形，以符擊之。乃至入山，虎狼潛伏。取角楸廣四寸長一肘，書置宅門上，七神歡喜，百惡消滅。以符書背上，舊病得差。與產婦帶之，邪見走避產婦，鬼神不能忤誤。書符置臺園壙上，疫氣不起。書符置山神所，風雨順時。以符頭上，避兵。書符置心前，來財。書符著足下，能行。此符能竭海水、能崩山岳，仙人得之能□天地。

凡人得之化作大仙藥者。五月五日，取牛黃大如雀子，于薑四兩、麻八兩、黃芩一兩、大黃五兩、甘草二兩，於七月七日令童子搗

之，以蜜和作丸用之。若人病悉[病-丙+虎]、病吐、病水、病腸、痛心、四臍腫、卒風頭、霍亂、心悶方重、噎不得喘息，取上件藥丸，丸如小豆，兩丸與服之。須臾之間而見病鬼奔走而去，兼復吐利發汗，宿食淡陰、積血微癖、產後帶下、痔不斷、大小便利不通，皆悉除愈。爾皆霜雨不歇六十餘日，禾穀在地，民不牧刈。是比丘為作求天法，而歇雲除日。出城當門，取緋六十尺縫為三幅，畫作一龍，有十二頭，昇天而上。復作金翅鳥，來食此龍。以焱燒紫檀木為火，取薰陸香一百八塊，誦上件呪，一遍燒一塊，盡即雨止。又復取虛中土門作狗形，置城四角上，得雨止。又閉市四門，亦得雨止。如是法藥符術，皆能利民，世帝之法。

利民頭二符，是品大仙為育王說利民符。為國土衰耗、疫病邪鬼入境、災變侶生、飢饉爭訟、婦女產難、**縣**官口舌、飛屍有症者，俱奉敬三寶，懺悔自憤宿因，對現在諸佛形像前，以朱沙書素陳符，依災時治以除之。

第一、七佛大神符。符主人身百年之中，或老或少，多病痛、注誤勞冷、骨節疼痛、長病著床，喻陽病多饒溫氣。以素生絹一尺，真朱沙書此符佩之，百病去除，男左女右。

第二神符，能除**縣**官口舌。以朱書符佩之，念解脫月菩薩，枷鎖自得解脫。

第三符主己身百年不逢殃禍、飛尸各注、野道呪咀。以絹七寸朱書佩之，男左女右，當念婆藪大仙，燒香，諸惡遠離。

第四符主厭夫妻如水火，自相呪咀，高聲相訟，不見生活。以絹七寸書此符，佩之大吉，男左女右。

第五符主女兒不宜媒嫁，至年高大。以絹一尺，真朱閉氣書符，佩臂上。三公大貴敬來問之。

呂后年二十五，無夫主，得此符力。昔支皇后年三十未嫁，亦得此符力，即為天下之母。千金不傳。子不宜聘，使諸方為官，數失復進，當念太向大仙母，燒香禮拜。

第六符厭父母憎兒，兒不孝二親，逕日月自相鬪訟，呪咀赤口如水火。以生絹七寸，朱書此符佩之，父子孝義畢千載。當念禮虛空大明星菩薩，燒香，五旦禮拜。

第七欲見貴人及服己者，以絹七寸，朱書此符佩之，三年自貴，男左女右。當念阿閼歡意佛，燒香禮拜。

第八男人上年欲求官進職，貴人見之歡喜愛念，及求珍寶如意玉者，以絹朱書佩之，燒香禮拜多寶佛祇菟大仙人。

第九婦懷胎，為所噉，有未成，仍落壞胎，三四月中道墮落不能得之，或年三四歲中道死已。以絹方五寸，朱書符佩之，令人大。當念耆婆大醫，燒香禮拜。

第十身不遭囹圄、籠煩禁閉、羅於九橫，主人身在牢獄被囚禁。以絹朱書此符佩，枷鎖離身，貴人識。當念救脫菩薩，燒香禮拜。

第十一主行來入出有所施作，不逢盜賊毒虫所傷，逕官不得卜問日月者，以絹書此符佩之，往復取素，見當歡喜，稱意重之。外虎狼伏匿、盜賊避除，錢財橫至。當禮山海惠佛。

第十二主厭治生失利，行來不遇不逢善人。以絹一尺二寸，朱書此符，佩之大吉，治生得利，善人相值。

第十三諸有病痛，小曰[病-丙+困]、大曰顛，藥如前說，以此符佩吞。當禮拜觀世音菩薩。

第十四諸有病痛，閉病以逕日月不差者，以絹七寸朱書，小曰[病-丙+困]、大曰顛，藥如前說，以此符佩吞，當禮觀世音菩薩。

第十四家內數遭疫死，病相纏遶，無救護，及身自患。以絹七寸，朱書此符佩之，即自除也。當禮寶吉祥佛，燒香禮拜。

第十五主身有邪氣，飛厭病、兩肩沈重不差。以絹五寸，朱書此符佩之，即自除去。當禮虛空藏菩薩。


第十六主婦人難產，及惡鬼舐頭。以生絹真朱沙，當其月佩之，令兒長命，眾人愛之。當禮藥師留離光佛。

第十七夢寤顛側，有鬼執魂，厭密不覺。以楸板書之，安著床草。席中夜以惡夢化為草，當符者死、值符者亡。

第十八兄弟不恭順，分畑割宅，無義異居；或和合共分，或一人欲為頭分者。以生絹朱書符，佩之大吉利，福祿官品自至，治生有利，亦如本不分異。當禮寶聲佛，燒香禮拜。

龍樹菩薩祕決圖經

凡欲求神仙長生不老、顏色變異、領使神鬼，皆須清淨齋戒、修德行道、懃心供養，斷口味、身淨依，不得瞋怒罵詈。死生之處立神壇，室內先置龍樹座，□角面向閉，雜菓乳糜燒香，定櫛記壇西南面。依後十二時天門地戶，若有新菓食同時供養。淨潔七日。行道訖，一切用印治病，皆依後十二時天門地戶，依四時用印，萬不失一。



凡欲受持符術法，先須安置十二辰神門，結櫛為記。天門地戶、鬼門人門出正端，不得有曲。欲修印法，各從所到之門而出，萬不失一。

凡欲使之神、願求財寶匹帛，尚出陽門。欲攻擊他人、博戲鬪諍，當出兵門。至他方遠涉長路，當出會門。欲見天王尊貴，出貴門。欲發燹符印使役萬神，當出解門。見鬼通塞，出天門。求官職如意，出禁門。求冀女婦，出陰門。禁符印，出天門，還入地戶。如法修持，必有効驗。井華泉水洗浴遜口，出門六尺六步，叩齒三稱大吉，慎勿返顧，萬不失一。其不得妄傳。



龍樹十二時神符，殺鬼治病威動心神零。尚出神門，西向地戶，先服七符，然後去之。子日出，先吞子符。丑日出門，先服符已，外准此法，不得人知。知印，一切無驗。

呪前十二符：五神用心，徹絕音。三魂攝精，盡守母心。使我物妄五藏遠尋七邊。呪乃服畢，咽唾五過，叩齒五遍，勿令人知。見兩妄字，謂皆應作妄字。若不用閉日，以月一日、十五日、二十七日，一月三服，一年役使驗祕。

夫治病，先服前十二時符。先誦呪筆，呪熟誦，燒香，斷口味，誦呪一千遍。任誦，可誦者皆得。當立道場，壇前起受持意。春三

月，用朱書，口齒閉氣，面東方。丙丁之日、寅卯之時，吞之罕九符。夏三月，用黃筆書。秋三月，用黑筆。冬三月，用青筆。

其一切符，皆依四時。欲服三大符，滿四十九日，依十二時法出入，誦行印，諸神吉凶皆達。病根元是何神鬼作，悉決生死。取東太藥，春三月丙丁日寅卯時，密取柳根皮囊盛，未使見風，舍東北角玄陰千百日，味未日丁丙寅時，向東服之。四十九日，方寸匕服之，鬼神自附，了了共語，知他病根，決定生死。

又別要并色決祕。印背上政當指下，即是印心，主病人心內有黑色，不吉大困，不差死。有赤，主周時差，日西小霓，白色大吉。印字面左上角白色，主伯叔兄弟鬼。印字面左下角黑色，竈宅神。印字面右上角白色，姊妹子鬼。印字面右下角黑色，主神仙道，急求謝之。印字面上併黑色，主死，白色差遲，赤色大吉。印背左上角赤色，外親家宿願；左下角白色，女鬼。印背左上角紫色，行來犯社宿願為。右下角黑色，犯路傷亡客。印背上通有赤色大吉，黑色大惡。不問印背面黃色者，是印家定色無難色，病人大吉。前並是看病印辨色，祕之物傳人。別用印時日、印符子細，後時別錄。

呪火呪

無彌婆婆底 無彌俱沙底哆寫

無彌[馬*弗]婆僻 能泥漫婆 莎呵

凡欲呪火時，二七遍，以舌舐火，令滅金諸苦。誦二遍，護一切藥。且人欲合藥時，諸神鬼競來取此藥味，人服多不得力。由此凡欲合藥，誦前呪，諸鬼神不能便，大驗。

觀世音呪

那謨佛陀耶 那謨達摩耶 那謨僧伽耶 那謨阿利耶 婆路吉塚
攝婆羅耶 菩提薩埵耶 摩訶薩埵耶 摩訶迦留尼迦耶 那謨薩婆
多他伽[土*豕] 昆喻多地他 唵薩婆婆耶 那奢膩 多羅婆膩 多
羅賜毘鳩致 多致鞞多致 鞞多致 莎婆呵

誦治此呪者，能除一切障。或欲防護自身者，呪灰七遍，或塗頂上、或復塗額、或塗咽喉上，除一切障難。或為他人身障難，取其人頂上髮十莖，呪之七遍，結一結，所有去處無有障難。若逼一切恐怖，心念此呪者，是諸恐怖皆遠離。若人家中為優遭諸鬼不去者，死人脛骨作一栓，稱家長一人名，呪之千八遍，打著地中，諸有惡鬼皆自去散，無復遺餘。若有恐怨家惡心向人者，取人燒身灰，詣一塚間，呪其灰，一千八遍呪之，一遍撮其灰擲著中至一千八遍，乃至其誦呪人復路，刑不得著。夜誦呪訖，意此怨家永無惡心。若有國土有蝗虫食禾穀者，行呪之人入水至臍，稱其處禾田呪之，即不為虫得食。若有人欲結界時，可取紫檀木，如一指大、長一把，作四栓，呪之一百八遍，打著四角，諸惡魍魎無得近者。夫欲意內造道場之法，可取淨銅鉢盛水，呪之二十一遍，用灑道場內并舍內形，以一切處悉灑，諸有惡物無得入者。

若人住處有蛇者，可取白芥子，呪之七遍，散著四邊，蛇皆散走，無得近於住處。

此呪誦已，一切作障礙鬼皆即時遠去。若有護自身者，取灰誦呪七遍，呪灰散十方。若護他身者，呪彼頭髮七遍作髻。令一切眾生即不能動者，當陰誦呪不出聲七返，即皆不能動。

呪饒舌人道人好惡事第五，誦呪曰：

婆帝吒 那利吒 婆耶帝吒 豆利豆利 留休留休 莎訶

若有一切饒舌人，婦女小兒饒舌者、健道人好惡者，以相鬪亂道人好惡事物者，於齋戒二七日，服香三七日，於一淨室中，清淨取章柳根長三寸，刻住人形。室中取五色縵，以誦呪此章柳根二百返，一呪作一結，如是二百返作二百結。若有惡人道人好惡，以呪之，稱其名姓以呪，呪之二十返。彼饒舌人即以自柳[木*伯]舌長一尺，脣青面白，不鮮修不往。若隔遠者，遙呪之亦得。法不食牛肉、五辛、芸薑。

呪一切事巧法第六，呪曰：

南無婆耶帝 哆耶羅耶吒 那提帝吒 頭尼利利那帝吒 摩耶帝頭
摩利 莎豆苗伏豆帝吒 薩耶留帝吒 牟帝吒 豆留帝婆帝 莎呵

論曰：若世人作諸巧，作者遲鈍時，於三七日，於淨室中燃層七枚，取五色縵作燈炷，以夜裏誦呪七百返。若有人解刻木者、解畫者、婦女解針縷縵者、可一切有微巧者，作物大遲時，以呪木七七遍，更呪刻刀四十返，以刻樓閣堂殿、以刻諸雜物，以心心相續以刻木，以夜燃燈刻之，一夜即成，莫疑，大速不可言。若解畫者，以夜燃燈，呪筆十遍，一切雜色各二十遍，以畫十丈大堂。一夜畫之，夜即成竟。一切婦人亦爾。無難大作，皆大速不可言。力都是大神之力。若人欲作時，不得食酒肉、五辛、芸薑常法。

誦呪酒與人食迷訛即醉法。呪曰：

婆帝吒 那那吒 婆帝吒 波薩帝 莎呵

若有惡人、心急性人、有惡諸貴人，時一室中淨潔藻口，取酒一斗呪二十返。招呼諸貴，隨意千萬人來，以此酒與人食，聞氣即大醉。作惡之人日中即作狗吠，不得餘語，不解不休。此酒以人食之即噉，不知休法。不食牛肉、五辛。

誦呪飲食人服之得長生法。呪曰：

南無闍耆帝 婆婆薩羅帝 豆吒羅那耶 私婆訶

論曰：若有好人，心意好長生之道，或王難不能得和合諸藥，或居家貧乏者，但以人不知其法，修不得長生。但以好心，第一斷嗔，悉調其形體，常以清淨。取楊枝潔，取汁澡口。常作好心，誦此呪絕熟。以依法莫食五辛、酒肉、芸薑，一切穢汗婦女產生、一切六畜產生，一切莫往其所。若行見產生，皆前呪水洗目，乃誦此文。以一切凡食滄飯，各呪三返以服之。若飲漿水，亦呪三返以服之，即是神藥。一切五菓新食皆呪三返乃食，常作法相續，即得長生莫疑。一切之食，皆呪之服之者，終無惡神噉其精氣。若十歲小兒作此法，終不能老。八十老公作此法者，得長生。取一切物食之者，即以呪，勿得一食如妄，必得長生也。萬年不終，真實無疑。勿妄傳非其人，但以好心直行之人乃可相與。若服諸藥，餘皆呪之而服，大吉不可言。莫妄傳非其人。但當呪之而食，尸虫自下，目命割去死藉，萬歲不終，實是真人也。作此法年四十，自然識宿命吉凶之事，無有不解。釋伽能人在因地時，曾作孔雀明王，具陳呪術，在於經文。而且略述五三，不可具學，烏用胡音。

誦呪起卒風。呪曰：

婆帝吒 那利帝吒 那耶帝 留那耶 婆耶帝 任哆羅 豆頭摩
耶 帝波留 黃薩婆那 耶婆吒 波吒花 莎呵

若有侵凌人者，於三七日齋、二七日服香，於一清室中芳為坐具，五色繩誦呪一返作一結，如是作二十結以係臂上。若陵人者以至所住家，有凡屋取一把土，呪之十返，散其屋上，即有大風卒起，即發破屋、瓦礫競下，一切衣服惡風吹去。若其人走出，風即起之，大速不能得走，不解不住。法即牛肉、芸薑皆不得食。若食與本不異，是故不得食也。

呪鹽食之得解渴法。呪曰：

婆帝吒 那利帝吒 羅耶帝波吒 莎婆呵

若人欲作此法時，於五月五日、七月七日，取五色縵，諸呪一返作一結，如是十返作十結。取五升鹽呪十返，齋行，在道路大渴時，取一升鹽食之，即不渴，食之與水不異。雖言道馘，人多不信，此都是呪力。復取鹽呪二十返，一日即有千萬諸貴來相喚取。欲休散，著大巷燒之即止。復取盃呪之七返，安著庭中前，以、室中前以，室中坐呼之，還即來。復取五色縵呪之七返，以口含之，唾即火出。復已五色縵呪之一百八返，以係頭上，餘人見頭上火燃。復取衣裳呪二十返，著入河水，水不陰兩，著之行亦得。復取漿水一升，呪之三返以飲之，糞如石子，小便如石淥大青。復取一升酒，呪五返飲之，即臥十日不起。復取鷄頭，呪之四十返著酒中，一日即千萬人來酤酒。復取瓶呪之七返，以鐵捶打不破。取鷄柯草汁一合，呪之三返，以清折一食許即長五寸。取一抱土，呪之一返，以有怨家，以散著其家門下，惡家即自相罵不知休息。取一升米，呪之三返，即化為蟻子。取手巾一枚，取市死人血塗四角頭，以呪三返擲著地，即成勉子。取蒸餅，呪四返與犬食，犬死，即長四尺。取水一升，呪之七返，以洗目，毛即五寸。取睹肚，呪二十返，與產婦食之，月中一日生一頭睹。取雄黃一兩，呪之七返，與犬食之，犬種糞赤如火。取塗一餅，呪之三返，色如金色。若人欲作時，取五色縵長六尺，作一事作一結。欲放時還以解結，即得止也。法斷芸_臺、牛肉。若食者作法不成，是故不食之，好心無有成也。

論曰：若世人得此呪，好紙寫此大呪，驗好藏之，勿妄傳非其人。法淨澡口然後讀之。勿以不淨手取其文讀之，體上即生惡創無疑也。此上呪大造，若其家有產者，誦前呪水洗目然後讀之，大吉不可言。若不爾者，目中生刺利取得目盲報。但好求之大驗。心好直行，爾乃可與。如不信者其與。其方好藏之。勿妄傳非其人，好藏之，大有真驗。

呪惡人法。呪曰：

薩摩羅帝吒 那耶帝吒 羅那留帝吒 波耶帝吒 羅悉 莎呵

二十二字。月十五日，室中牛糞塗地，復以香塗地。五色縵一呪一結，合二十一結繼臂，向人彈指自縛大言：我不干汝，無事干我。取章柳根，剋作人形三寸許，呪十返，口中唾人成五縵，呪七返，唾咄純。

須喚男女空來法。

取生布手巾一枚，敦著北陰下，以清酒七盛、鹿脯一段著手巾上。稱彼人姓字，然後誦呪一百返，還旁稱清都大神王名，令彼人來，神即取之。

呪食與人法。呪曰：

伽摩都斯 摩呵婆伽 彌多羅質多羅 南無修[豆*斤]毘 烏豆婆畢
囊鉢悉曇 伽羅藍阿羅無伽藍 阿羅無伽藍 阿羅無伽藍 阿羅無
伽藍 莎婆呵

又求水法。

人向東坐，合眼燒香，誦呪十遍，即得水。

令樹有子法

向樹呪千返，即有子。

治睡法

呪蘇千返，安眼中，即不睡。

不飢法

呪蘇千返食之，令人不飢。

令人不識自身方

取小兒一頭，共入水中。齊乳汁誦呪千返，即能隨意自轉，人不識也。

爾許多法

前一呪，誦此呪時須燒香。有不須者，直合掌閉目，至心誦呪，無不從意。先淨水漱口，稱樓摩菩薩名也。

釋伽文佛作慰物沙菩薩時呪文

婆多[口*姪]咍 [沙/分]坻阿[沙/分]坻 索哥時 比歌時 縛羅具
賴泥阿加坻

三佛陀呪神力不可思議(大驗也)。

南無佛陀耶 南無達摩耶 南無僧伽耶 南無阿利那哆利蛇耶 南
無栴茶婆逝娑尼[口*(尤-尤+曳)] 摩呵夜叉嘶那婆帝[口*(尤-尤
+曳)] 哆侄他 婆羅婆羅 嘶利嘶利 修留修留 婆羅婆羅 毘利
毘利 浮留浮留 休留休留 唵留唵留 周留周留 榆留榆留 婆
羅婆羅 遮羅遮羅 陀羅陀羅 呵羅呵羅 瞿留瞿留 殊留殊留
洛瞿洛瞿 呵那呵那 呵那呵那 陀呵陀呵 波遮波遮 瞿師彌瞿
師彌 [般/土]大[般/土]大 大摩大摩 嗔大嗔大 賓大賓大 味
陀味陀 波羅大波羅大 胡留胡留 妬妬[牛*句]留[牛*句]留 呵
那呵那 薩婆他婆伽 那伽夜叉 阿利叉娑 薩婆悉帝利 富留
婆 陀羅迦陀利迦 婆[蔑-氏+(埜/口)][牛*句]留 薩菩波陀羅
波那賒耶 阿婆提呵哆 婆羅波伽暮 波利伽路阿婆帝 薩波呵哆
侄地那[口*置][牛*句]那[口*置] 那迷波羅那迷 伽斯波羅那伽

斯 休留休留 嘶那 婆逝婆尼[口*(尤-尤+曳)] 阿他娑帝 薩波
呵

此呪大神驗，消伏眾惡，萬病皆除，惡龍惡鬼眾毒無敢當者。若欲
驗呪功能，以柳木兩段遣人各使頭掖下挾之，呪此木能令相合。腰
中自合，即知有驗。呪法遜水潔淨齋戒，先誦呪唯多即有驗。

金剛隨心呪

南無喝邏坦那哆羅耶夜 南無室稱荼利 婆折羅婆尼 摩訶藥叉
拈那波多易 多佗他 婆羅娑羅 私利私利 修留修留 阿羅阿
羅 奚利奚利 雲留雲留 婆羅婆羅 毘利毘利 浮留浮留 摩羅
摩羅 禰利禰利 牟留牟留 遮羅遮羅 質利質利 周利周利 耶
羅耶羅 耶羅耶羅 私利私利 榆留榆留 伽羅伽羅 岐利岐利
瞿留瞿留 迦羅迦羅 吉利吉利 鳩留鳩留 多羅多羅 坻利坻
利 質留質留 羅使羅使 急嘆金剛 呵那呵那(相) 陀呵陀呵(火
燒) 波遮波遮 燒使熟(此是法) 其利其利 呵那呵那(提) 摩他摩
他(火煙) 陀摩陀摩(火燒) 勳地勳地(啄) 瞋坻瞋坻(切) 頻造頻造
(切斷) 閻婆閻婆浮(提莫放) 槃闍槃闍(挽住) 槃陀槃陀(球) 摩他摩
他 波羅波羅 摩他摩他 曷勞隻覓曷勞隻覓 呵那呵那 薩波毘
毘勳那 毘那耶迦婆尸迦盧彌 薩婆悉坻利富留沙 陀利迦 陀利
釧 于留于留 阿利[口*養]悉陀 室真荼利 波折利 波羅泥 阿
利坻[口*養] 阿閻羅若波夜提 莎婆呵

呪人自持不飢不渴法

多啞他 摩登娑藍伽 阿毘祝竭多羅罷恒合羅呵 溪[嚙-黑+面]溪
[嚙-黑+面] 或噉[嚙-黑+面]噉[嚙-黑+面]噉[嚙-黑+面] 瞻斂郁
伽迦(俱伽反) [豆*斤]漏羅婆呵 伊[方*耳]伊[方*爾] [豆*斤]漏
婆恒伽婆羅 婆娑婆陀 私婆呵

若人在曠野飢覲無聲之卿，誦持此呪，若有生水，始生草木。呪滿一百二十返，食此水草，一食七日，日日不飢渴。度世禁法，皆同金人，一坐一百二十日，不覺日月移時，謂如食頃。

佛眼呪法

訥謨薩婆菩曇 菩提薩埵毘耶 哆[口*致]他 唵 胡蘆肆陀 蘆遮
[方*爾] 薩婆利他 薩[示*(面/且)]泥 莎婆呵

五明論抄卷上

龍樹五明論卷下

呪事第一龍樹菩薩出二十法

論曰：一切惡人凌室人者，但諸好心，或在深山野澤孤行獨自，為諸惡人、虎狼師子、山精老媚、一切惡鬼欲犯害人，但存心誦，無不伏道而去。誦：

那耶帝吒 羅那留帝吒 波羅耶帝羅 悉婆呵

論曰：若人欲作法時，於月十五日，淨治一室，以牛糞塗地，復以香塗塗之。齋戒二七日，清淨澡口，著淨衣裳，入此室中。取五色縵，誦呪一返作一結，如是二十遍作二十結，以縵繫臂。若以惡人或百人隨其千萬欲來相害者，以一檀指，口中但唱：小子[口*(上/下)]我矣。以一彈指，彼惡人即自縛，以自鞭持。以四返彈指，時彼惡人即變作蛇頭，即口中羊聲叫喚。復取章柳根剋為人形，呪十返口中含之，以瞋諸惡人，以口唾之，即皆著疾，不解終不休。取五色縵，呪亦七返，口中含之。若有含，一吐四十步地大香不可言。若一切多食惡病，一吐氣，此諸患者即愈。賊盜其物，其不能知所者，取一小兒年七歲者，呪此小兒七返，其小兒即道其所住處。若賊北菑，即北向呪之，賊即皆自縛來。東西南北一種，隨意所用。法不得食芸薑、酒肉、五辛，皆不得食之。婦女產生皆不得見。但好心精進，呪人大驗。勿妄傳於世，世人多不信之。但呪[歹*(刃/一)]之，雖六塵寒識，即心中生信，不能不信。若不信者，勿與其法。好心用之大驗。

呪土如粳米飯中食不飢法。呪曰：

波帝吒 那利帝吒 波耶帝羅帝吒 摩帝吒 唾利留摩耶羅 耶利帝吒 波耶帝吒那利帝 莎呵

論曰：若人好心山居、或飢餓世行，於道路大飢時，於月十五日淨治一室，取牛糞塗地，復以香燃燈上，取柳枝二十根，燃十二層燈。取土公字作燈炷，復取一升黃土，以誦呪。復取五色，呪此黃土八百返作一結，如是乃至八千返，以復纏作結。以夜地燃燈，呪此令斷絕，然後將黃土著大巷頭道中。若飢饉時，取一升土，以呪三十返，此土色不變。取土食之，味如粳米飯大美好。食之五斗，餘長者散與神祇。一食，三日不飢。法不食牛肉、五辛、芸薑，一切惡物皆不得食之。若食者，作法不成。土公字呂萬。

呪不食法

波吒那夜叉 波吒那提夜羅利 波帝吒 摩耶帝吒 莎呵

取禹餘糧二升、赤石脂一兩、白石英一兩、朱沙一兩。於一淨室中，取禹餘糧，槵蕤作末，去中惡物。取赤石脂作末，蕤之使細好。各作末和之，以誦此呪，呪此藥二十返，以方寸匕日三食，一匕服令盡，即得十年不飢，氣力丁強大，犇不可言。作時不食酒肉、五辛、芸薑，皆不得食之也。

呪作人至成法。呪曰：

波帝吒耶利帝 利那耶吒 婆羅帝留吒 摩耶波所波所留 乳帝耶波帝 摩耶吒頭摩 薩者羅耶 莎呵

若人欲作此法時，於七日齋戒、七日服香，於一淨室中，取五色纏，復取章柳根切作末，取一升許，以絹羅之使絕細，以蜜半升和之作丸。以呪之二十返，呪一返結五色纏一結，如是二十結。取死人血塗上衣裳絕以大自然以言語。若以不作時，還以解結，此胡小兒還如故。復取一大石如斗許大者，以水澡口誦此呪，呪此名四十返，自達入虛空中一丈，還自下地。法不食牛肉并酒肉、五辛。

浮流覆浮流覆 唵[梳-木+口]唵[梳-木+口] 唵[梳-木+口]唵唵
 [梳-木+口] 汨況流白況流白況流 無唵無唵無唵無唵 離流離流
 離流離流 豆豆豆豆 豆豆豆豆 豆豆豆豆 呵呵呵呵 呵呵呵
 呵 呵呵呵呵 吼吼吼吼 吼吼吼吼 吼吼吼吼 吒吒吒吒 吒吒
 吒吒 吒吒吒吒 囉囉囉囉 囉囉囉囉 囉囉囉囉 彼音耆 彼音
 耆 彼音耆 彼音耆 彼音耆 阿阿阿阿 阿阿阿阿 阿阿阿阿
 娑娑娑娑 娑娑 沙呵沙呵 沙呵沙呵 多啞他 為耽他羅呵 叉
 首毘質多娑 呵沛地陀囉呵 居陸居陸 密伽羅沙 映貳映貳映
 貳 [口*(面/且)]陀娑畢隣陀閉殿 沙呵

凡有急難，欲安隱身，當密靜之處結跏趺坐，三歸命毘沙門天王，
 然後誦呪七七返。一延頭一呼氣，閉目重誦七七返。如是七返，作
 法即成。坐滿一百二十日，不為災之所及，世人莫能見之，亦不思
 食。須起即去。欲坐還如前。法此呪不得食酒肉、五辛、十二屬
 閻、芸薑菜。

龍樹菩薩五明印論第五

論曰：世間一切人愚癡弊惡抱疾者，多不值良醫，救療失所。惡鬼
 所惚為病，增劇至死不愈。及一切修道之人，被其王難，走避無所
 故。以此五印，令一切有智之人習學，為一切眾生療治重病，及遜
 王賊水火之難。懃心習學，作之莫忘，急難之時無不得免。若作此
 五印法者，不得共一切婦女小兒同止眠臥，亦不得食五辛、大裘
 隔、芸薑等。

佛頂印




佛陀。呪曰：

娑婆羅 刹多耶 和頭[儻-維+(電-雨)] 陀婆多耶 娑婆訶

論曰：若有人作此印者，以桃根木方四五寸，剋畫此星宿印文，以朱沙塗之令赤，誦呪七百返，以緋袋盛之。若欲入國王大臣長者


居士婆羅門家，用此印印兩腳掌，復印胸前，以印頭戴，所欲去處皆不見形影。若欲現身，取其淨水呪三七返，洗手面并洗腳掌，去頭上印，則自現身。若逢水難，誦呪印三七返，閉目取印，印水合眼而渡，則得過難。若遭惡人所逐，誦呪印三七返，提輦上安之，則自不見，多人追不見，亦不可見所欲去處，無諸災障，亦無惡人橫來加害。此之印法作時甚驗，莫妄傳。若妄傳者，非其人也。有信之人乃可與之，無信之人實莫妄與。



南無勤大婆吒那野多 南無三摩達多婆耶羅 南無偈那勒多陀 娑婆呵

論曰：有人欲受持讀誦此呪作印法者，淨治一室，牛糞塗地，燒眾名香，供養三寶。取白檀木，縱七寸橫五寸，用剋此星宿方印，以朱沙塗之，誦呪七百返，帶之將行。欲治一切人病時，更以朱沙

塗，呪三七返，隨有病處，以印印之無不得差。若至空山曠野嶮難惡處，誦呪三七返，以印向之，一切惡獸自然退散，無能為害。復若有一切畜生著其氣，亦用此印印之，呪三七返，印其額上，以桃杖打之，所有病氣自然除差。又以此印呪七七返，用朱沙塗之，縱使十人重立捉印，印前頭一人，此印重過，無有闕礙。若不驅重過，直呪手三七返摩印面，用印前人，其十人背上皆見印文。若欲至大臣長者家隱身不現者，誦呪印九百返，以朱沙塗，因左手捉在於胸前，所欲至處人皆不見，亦不見其形影。若到大臣長者家，欲與作鎮怪，以朱沙塗印，誦呪印三七返，用印淨紙安堂門壁上，其家不見此印，其長者身若欲眠臥，即見種種不祥之相，及見野叉惡鳩槃荼等集在其家，終日常爾。其家處處求覓良醫，闡恤厭顛遣之，終不能得。若欲令其生信，方便到彼說法化之，令其調伏，隨人受化，然後與却壁上紙印，其家所有一切魑祥自然磨滅。長者迴心敬順三寶，有無所獲得。若遭王難急厄之時，閉其門戶不能得出，呪印七返，以向其門，即自開闢無有障礙，自然免難。此之印法作時甚驗，實莫妄傳非其人也。復不食五辛、酒肉、大茺隔，忌芸薑等。甚祕之。



呪曰。

南無呵陁婆利耶 南無娑伽偈多婆利耶 南無須陀和沙陀利耶 娑婆訶

若有作此印法，淨治一室，香塗地，燒眾香供養三寶。取赤棗木，縱五寸橫三寸，用剋此星宿印。以朱沙塗，誦呪呪九百返，所欲去

處無不稱意。若欲與一切眾生除其病難者，當用此印，將病人在一室，以香水浴身，隨有病處以印印之，無不得差。若入山谷，亦以此印向之，一切師子虎狼獾獬諸狩不能為害。若有怨家求人長拒者，誦呪印三返，以印向之，彼即自調伏，慈心向人不能侵近。若有婦女產生難者，以其朱沙用塗印面，捉印印淨紙，與其婦女令吞，兒則易生。子捉印出體平整，不為惡鬼得其便。如是星宿印法，所用之處無不稱願。若欲作時，一切婦女小兒等不得見，亦不得同止眠宿。此法甚驗，實莫妄傳，傳者非其人。甚祕之。

能除一切痛(左印之呪)


呪曰：

安陀沙和羅耶多 修伽婆利沙多 唵多羅那陀 娑婆呵

菩薩乘空印



論曰：若有人欲作菩薩乘空印法者，淨治一室，取棗心木方七四寸，用剋此印。捉朱沙塗印面，誦呪呪七百返，欲治一切人病，無不得差。此印七一切善神名字，有人常能誦持此呪并作印法者，我等聖人并諸善神皆當護助營衛，是人所欲作者無不獲益。若欲至一切國王長者家，持此印呪五七返，以左手捉在於胸上，此印自隱，所欲去處，見者歡聞來迎逆，果願皆得。我等善神恒為開道，一切所須無不獲得。此法甚驗，實莫妄傳。甚祕之。若頭戴，即能垂空。



呪曰：


南無勒那利耶 南無勒那帝耶 南無三漫陀帝利那 娑婆呵

若有男子及大比丘，欲作此方星宿印法者，淨治一室，牛糞塗地，作其方壇。香水浴身，著新淨衣，燒薰陸、沈水、鬼甲木香，供養三寶并諸善神。取桃木根方七四寸，以剋此印。燒五色繒作灰，以朱沙和擣，取井花水清淨，誦呪呪七百返，用塗印面，恒受持將行，避一切障難，亦治一切病痛。若有人被惡鬼所持，乍寒乍熱，隨其痛處以藥塗，呪之三七返，用印痛處，痛則除愈。若遭水難，呪印三七返，閉眼印踏而過之，不能為溺，則過度。若一切比丘、比丘尼、憂婆塞、憂婆夷，為王難、共諸外道角試道力不及於他，持此印者，一心存念，呪印七百返，在於眾中外道所作以印向之，其所作者皆不成就。復以此印向其國王，則大歡喜，心意柔順，無不調伏。作此印法時，用左手提在於胸，印即自不現。作時慎莫令

人見，若見作則不成。復以此印誦呪呪印四百八返，用印頭戴，身即不現，隨有去處無所障礙。此印法甚驗，心有求者無不獲得。甚祕之。實莫向一切不信人邊妄說是非，有信者喚共同知。若作印，不得食五辛、大荻隔、芸薑等。好祕之，勿妄傳。

五明論祕要隱法卷第二

如神印



呪曰：

噯利彌 彌利噯 娑婆呵

誦呪四十九返，用白縲四十九結，誦呪一返作一結，口中稱隱隱，印即隱。欲解時，呪一返，解一結，乃至結盡休，印即現。甚祕，勿傳於世也。

論曰：若有男子及一切得信賢者欲作此法者，淨山中一淨室內安置道場，用黑沈水香木方一寸，寶鐵刀子一枚，於淨室中安置，莫令

人見，供養禮拜木及刀子。龍樹菩薩日夜六時行道禮拜，行者唯得菜食為甚。於道場中密剋，至四十九日剋令了。此神成已，諺四十九事為要。此神印持行，印額上，令人不見身。印兩足，渡海河水如地不異。印口說法，聞者皆信。印髮，尺寸。印眼，過去未來五道受

苦眾生分明得見。印心，知世間生死剋時節。印耳，聞一切哈類之音。印胸手足背上，人見歡喜已。印頭戴，誦呪四十九返，直見金剛身，所為如意。

又正月一日日初出時，於淨泉內，取印下溼，面向東取。欲取溼時，自語泉言：「我須此溼，隨我所用。」寅卯日用溼。天旱之時，取此溼以印印之。取小豆許，於人間門下土龍口中躡作舌形，諸有龍處悉皆躡著，畫所印溼即休。向有泉處，其人面向東立，閉目口稱：「龍子！天今大旱。今是寅卯日，唯須大雨。」天即大雨。欲使雨休，却土龍口中溼舌，還至住處所，面口言止，雨即止。

又法，取朱沙塗印，左手印人，人則歡喜。右手印人，人見遂瞋。

又法，於五月五日日未出時，取東引桃枝五寸，常持齋戒，於靜山中淨室中面向東坐，閉氣剋為人形像訖。於室中安五寸高座似壇形，四面堦道，壇上廣一尺，上安木人。行者著新淨衣入室，腳踏北斗至木人前，口稱參儂，於前口稱木術神王，禮三拜行道。白日菜食為齋。從旦至午，右轉行道，腳踏依前法。從日沒至盡夜，左轉行道。明闇二時，繼念在心。當有人來，共木人術神王語。日日如是百日行道，不得嗔，嗔法不成。一百日訖，取木術人，清衣帶中盛之，將行吉。其所用處，隨即得。

論曰，若有人受持此五印及如神印法者，淨治一室，牛糞塗地作其道場。香水浴身，著新淨衣，一上廁一洗浴。安其畫像，懸繒幡


蓋，燒眾名香，供養三寶，及請十方一切善神并諸菩薩。以其時非時花而散佛上，恒持齋戒，誦此呪，念念無其異想，亦不得共小兒婦女同止眠臥。在道場中亦無餘念。至七七日，方可察用。在道場之內，心無惡想，裏行平等，看諸眾生如識子，想行無漏。儻行大慈悲，唯念苦趣，求此印法，所有言說恒論善法。實莫妄傳。非言之行勿在其身，亦勿共諸小兒嘲謔論。若能如是受持讀誦懃心作法行平等行者，我等聖人及諸善神大力鬼王常來營護，心有所求無不獲得。何以故？此人憶念受持讀誦念禮不忘故，我等神王營衛，是人所有願求悉皆稱意。此之呪法功巧印法，世間所無也。若有得者，甚令祕之，實莫妄傳。若能生信恭養敬求覓者，看其行恤，然後與之。若不爾者，實莫向說。甚祕之，莫妄傳非其人也。

五明論事印法 四印第四


龍樹出

論曰：若有人隱於深山修集善法者，於四印中都皆有名，持此印不得長生者，無有是處。持此印者，勿往產生之處。此印一切好惡皆印知，天文星氣一切星曆屬此印也。人若得者，持齋戒百日不食酒肉、五辛、芸薑，皆不得食。好心用之，大驗。

金剛倦印



金剛卷印



論曰：若人持此金剛卷印，主一切惡人惡賊皆此印中攝。以棗心一本根方四寸刻之，取青帛作囊子盛。若有惡人隨意千萬人來，若一切豪貴以相侵凌者，取朱沙作末，以印素帛上，清淨澡口含之。以有凌人者，以一呼天，即自向地自撲不知息。若多饒左右者，二呼之，都自撲不知休息。若以解時，口中但喚解放，即得止。若有惡賊隨意千萬人來相害，取帛以印結著臂上，以來害者以手指之，即頭自頓地不知休息。若賊有刀劍以來害者，以一彈指，賊即自相縛取，不解終不休。若有奴婢走者，取印印奴婢床上，至一日即自縛來取。復紙上印，以博手上，以托鐵托金銀一切博石銅錫，亦如托泥無異。復取印印紙上，十一日服之，力當千萬人。若有一切大力不當頭者，以手一俟，頭即頓地。欲作時，不得食酒肉、五辛、芸薑，一切物都莫往。此印大驗，莫妄傳。



金剛心印



論曰：若有人好心長生者或老者，於一淨室中齊戒三七日，取棗心二寸剋之。於四時八節印紙上，杯盛水服之，即可長生。若人不可化者，以此印印彼人心上，其人即生信。若有人多嗔癡疾者，以印印彼人心上，其人虫當夜即下。若有癲狂疑病，但以取印印其病者心二七返者，即愈無疑。一切鬼神名字皆此印中有，但是病疾者，但取印印其人心上二七返，無有不愈。不得十二屬肉，一切五辛、芸薑皆不得食。若食者，作法不成。但以好心用之。一切六畜有病，但以印印心上二七返即愈。一切治患時，燒香用印。若五藏中患者，以印印心上。若耳聾目盲口瘡鼻塞身上惡瘡疥者，以印印雄黃，不問多少，印二七返，以塗瘡疥上，不至一日即愈。以目盲口瘡者，以印印雌黃末二七返，和水一升，於七日中不食酒肉五辛，以水洗目，日三令水盡，目盲口瘡即愈。但一切微患、一切魍魎妖媚，但以印印之，無有不愈。若有婦人產生難者，莫往其所，欲救之者，取紙以印印之，與婦人服之，胎中小兒即手把此印來出，大速即不運。若欲與人治患者，教之預齊戒七日，然後與治，即差莫疑。若人卒得惡物欲死者，直以印印之二七返即愈。若欲招呼諸神問吉凶時，取青帛印之，與人著大門上門戶口，即來，可問吉凶，竟還放使去。以印印水，和朱沙末洗目，即見千里之事、見鬼。此


印大驗，勿妄傳非其人，好藏之。印紙上燒之，和兩石水洗衣，永世無蟣虱。法不食五辛、牛肉、芸薹、一切毒虫、但以印紙擲之、無不能害。

金剛杵印



論曰、若人持金剛杵印者，潔淨齋戒百日，取棗心方二寸刻之，治一切惡虫狩。若虎狼師子、象馬駝驢、惡蛇惡蟒、熊羆豺狼，一切

有毒，此印錄之。越海凌波者，以印印紙上，擲著水中，一切水精蛟龍，但一切有微毒者，蚊虻蠅虱亦皆攝毒。以印印紙上燒之，和兩石水洗衣，即永世無蟻。法不食牛肉、芸薑。




佛地印

論曰：若有人欲修善道者，齋戒百日，取棗心五寸刻之，帛囊盛之。若有人拙鈍、煩惱甚多、學道難得者，取印印紙服之，日服一。以二年服之，即可飛矣，即得身通、得他心智通。若道人修大行者，取紙印紙上，三年服之，即現身得四沙門果。用此印者，不得食牛肉、芸薑。產生之處勿往其所。此印用之，修道大速。若人修持佛道者，不可言，勿妄宣傳非其人。在於世間好藏之，大驗。

論曰：若人欲修持此四印法，慎莫嗔恚，不嗔最是道本。此印大有神驗，此略說之。若依其本四印法，絕多難可宣傳。欲破此印各各用者，應有一千頭印。大難工巧，甚大難得學。世人得此印者，好藏之。若函若匱，好處舉之，大驗。勿妄傳於世，但以心信之廣博之士乃可相與耳。勿往產生之處。第一莫往不淨處。好清淨處，好清淨用心，慎莫輕之。慎之閉口。





論曰：若人欲修持此印者，但好精心用之，無不成就。此符非世有，此符若得者，勿妄傳神符。

呪曰：

婆帝吒 那利吒 梨婆耶 莎婆呵

論曰：持神符者，主斷一切惡業不淨者。以符持之，淨一室中清淨澡中，取帛素紙三寸書之，著衣領中，一切人見之者大喜，大不可言，愛之，與飲食好美者。若欲酒者，書此符紙上燒和酒，與彼大飲酒者飲之，即大好。一切酒肉、五辛，此人斷之，大孝慎不可言。復取兵死人血書此符，口中唸之。有惡人來相凌者，以一唾之，彼惡人即著癲病，舌根自入腹中不得語。復取小兒未語塚上土七枚，有惡人或是四隣比舍者，以墨書紙上作此符，以符裹土，作帛囊子盛之，係著碓尾下，來舂者隨意舂。并著惡人姓名，不至三日，彼人患著床臥不起，不解終不休。此符大驗。若郡縣之官人或口舌橫起卒來者，書此符并著彼人姓名嚙之，官事即散解耳。復取

朱沙末，和酒書此符，并著其惡人姓名，隨意十人百人相凌者，取著脚底，彼惡人口即不得語、鼻中痛、脣青面白如血色、脣口反張，餘人見者惡口罵之。一切口舌但以厭之，無不解，枷杖終不至身，人見者愛敬大重，諸王天子見之亦大歡喜。持此符人莫食酒肉、五辛、芸薑。勿妄傳也。


論曰：若世人得此論者，當著好淨處。家有此文，即有千萬巧神來護之。若人當作諸工巧一切事物，好淨治一室，一心誦呪作之，即成就無疑。此呪大驗，勿妄說也。若有急事，直以念得力。作此法，勿往產生之處，清淨用之。欲讀之，取清淨澡口，然後讀之。此呪大神不可言，此皆略說其要。持此呪者，一賢人識之者，不見則思，人見之者心生敬念。若人得之者好藏，勿妄傳非其人。若有廣博之士以求人者，心意信敬，乃可相與。若有人心意不信者，慎勿與說，好藏之，大驗不可言。家有此呪，一得無患，口舌消除。有此論者，或在山阻間廣野之處，即有神祇衛護，不令見惡。但好心清淨而用，無不得力者。持此符法者，永不得食酒肉、五辛、芸薑，一切穢惡不得食之。若函若匱以諸淨處著此文，求之必皆得力。勿妄傳之，大驗也。

五明論決

勿傳視人，流傳於世。龍樹菩薩、馬鳴菩薩作五明論，出萬餘卷凡人修此法者，皆取地員嚴麗精室，屋方側勿令破壞，表裏香湯塗，綠色塗飾。淨治道場，懸寶蓋、綵色神幡，以白土塗地，及屋壁上皆塗，出之以綵色畫之。一日恒以香湯篩上著寶花，道場中安室四角，恒燒香，當安龍樹菩薩、馬鳴菩薩、金剛密迹、八力神王等立形像，以五色幡蓋神上，事像莊嚴從意所著菩薩之前。以七香爐燒香，二菩薩當前兩香爐，二金剛兩香爐，八部神王二香爐，行者一香爐，安一板上，安供養具，三時禮拜、供養、燒香，至心歸命禮拜，恒潔齋結。一百日上旬，香湯沐浴。一月三香湯自澡訖，

清衣服，上下悉清淨，勿令污穢，出行更覓衣服著，不得出此衣著，日中齋時，奉香、燒餅、密棗菓之屬安神前，燒香至心禮訖，依時節盤。將去案之屬，悉不得浪人。用此碗盤等盛食，還自用獻神訖，自食之。解齋亦然。百日此室中不出，不得浪人、婦人、小兒、鷄犬、丈夫、牛驢馬、五行之器悉不得人。恒清淨嚴麗，香湯篩上勿日燒香，夜燃燈恒不失之。二七日坐不出，三時禮拜，食盤奉獻，燒香誦呪不絕。供養至心，不生異念。其菩薩遣神來，放赤光或紫光，其神滿室，從人所使。欲與人療患，燒香啟語龍樹菩薩、馬鳴菩薩：「弟子某，甲年爾許，導患狀。」啟訖，以此呪呪此患人，或大重三七返，以五色縵，以大重三七結，下七結下七項。以金剛捲印印之二七，然後用金剛印印心所患處，印之遂輕，重印之多少。教預治齋七日，至心禮敬拜，解上蓋衣服、解靴鞋，不得唾此地、不得放氣、不得大語大叩喚、不得罵詈，至心閉目歸命禮拜。舉舌向愕，清淨用之。如不爾者，及增其殃。修此者不得飲酒肉不潔五辛、不得邪淫、不得妄語、不得食芸薑、不得偷盜、不得不孝、不得共供雜人眠臥。一向治齋，不脫衣，至心恒禮拜供敬誦呪念龍樹菩薩。心恒念之，菩薩自來至，其色光明耀世間，其人遂當之願，樂仙得仙、樂道得道、樂智得智、樂聲得聲、樂巧得巧、樂富得富、樂貴得貴，從意所為。修之一月，財帛自聚，一切巧神來護之，遶室前後。至心念之，足衣食，免死難苦。若治病之，預結齋七日，自將香來菩薩前，至心歸命之，願禮其龍樹菩薩，病自愈。道場之中取淨衣一具，手巾一枚，澡灌一枚，呪鉢一枚，盛淨水柳枝二七枚，金剛杵一枚，五色縵各長六尺，香爐坐具一枚，成香寶蓋一枚，金錦袋成，朱研一枚，朱筆一枚，朱沙一兩，精紙百張，以啟龍樹菩薩、馬鳴菩薩，即書天帝神符與之。復以六神王符書痛上，以柳枝清淨水呪之，以阿修羅禁之訖，以五色縵痛處結訖，以金剛心印印之訖，燒香更禮拜乞願。如去其夜應神往，與夜夢治，明畢愈。若七日之中治齋不斷，斷酒肉、五辛、芸

薑、罵詈、妄語、邪淫、偷盜、殺生。如此犯之病，不逾過七日，從意所即差無疑，大驗。



天帝神符，朱書閉無明審書之，治人萬病吞之。欲破此符，南斗六星主六律，上屬入人體，中主六符，莫問悉之輕，燒香清淨修之益

驗。

太上六神王符，治萬病符，燒香清淨書之。若人患處書之，其病即散離身。明審書之，大有神驗。



服香方法

論曰：凡修行誦呪，及以工巧聲刻漏聰耳徹，以服香藥為呪。呪曰：

菩陁菟婆多羅 烏摩種陀利 勒那勒那耽捍利 阿婆阿婆鳴嘶利
莎婆呵

白真[弓*(乞-乙+冉)]香一斤、沈水香一斤、熏六香一斤、青木香一斤、鷄舌香一斤、霍香一斤、零凌香一斤、甘松香一斤、穹窮香一斤、香附子一斤、百花香一斤(隨時採陰干)、何梨勒一斤。

論曰：於一淨室，於淨臼中各別擣下篩，和以蜜，器中勿令見風日。於先斷酒肉、五辛及雜味、芸薑。齋戒沐浴以香湯，著鮮潔衣裳，以水澡口七返，正坐誦呪。呪香七返，以井華水服方寸，七日三服。一呪七返服，三七日不出道場內齋戒，服滿百日，謔性自在，眾神奉持，目見諸佛，行即鮮香。二七日行，十步聞香。四七日，百步聞香。七七日，目有見聞，聲芬香，眾人敬愛，鬼神營助，任性所須。於靜處燒香，眾神自至。服滿千日，怙物即香，逆知十二屬肉氣及以魚鼈，逆知彼氣是真，及以世間所有氣者盡能決之。以土墳，以口三噓，燒其土，其土香甚切利。所有污穢之地及自死之處，以水遜之，其地皆香。諸人死未經七日者，以水遜之，其尸乃至離散常有香氣切利。凡所有食井水，取所服香之，以蜜和丸如彈，淨澡口呪之百返，內井水中，其水皆香美，食者令人能香。若有惡人被妖邪所著，以此香如彈丸呪之百返，結安病人咽前，其鬼邪散。若有虛亭野室多有惡鬼數害人者，以此香和蜜如彈丸，以火燒之，其室中所有諸惡皆悉消滅之。

論曰：諸服香者，呪之根元，便鬼神之本。修行者慎見死尸，及產乳、六畜產生乳、血光，及婦女小兒，及鷄犬之聲。常淨身澡口，見污穢之時必須呪解穢之。呪水三返，以洗面目，然後入室。不爾

者法不成，及被殃害，體面生瘡。諸行房室，不得誦呪及入淨室。
非其人勿言，傳之傷人，慎勿流傳於世。

吽[敲-高+口]吒吒羅 吽[敲-高+口]盧樓離 摩訶盧樓離 阿羅摩
羅 哆羅沙呵

若人睡，以此呪呪水千返，用洗眼洗面，即念之。

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
